


巴陵縣志

地270.69
391
1916



巴陵縣志

光緒十七年辛
卯莫嘗月重脩

續修巴陵縣志敘

同治戊辰之歲梓湖吳先生自金陵游所歸過鄂渚時貴墀寓居黃鵠磯先生九日相就爲登高之飲願謂貴墀縣志曠數十年而不修大府檄屢下余不能辭然自來方志成於衆手類尠可觀者子其先爲余具草余將獨任焉明年己巳設局郡城南之文星樓越三年壬申始錢板長沙又逾年而先生歿今所稱壬申志者實葳事癸酉之後先生未見其成也後先生之歿九年邑人復嗣壬申以爲志而貴墀方自保定歸李梓濱同年因舉未竟之稿以相屬蓋壬申志之經始先生適以病家居不能盡如先生惜余未及預議而去今覆按其文先生論述數事外巴陵縣志

卷之首

敘

一

蓋仍然衆手所成者爾余追惟先生疇昔之言泫然不能自己其非本自先生者謹竊取先生之意僭爲更易且蒐補其闕漏人事相迫鉛槧屢廢於鄂於湘五閱寒暑凡變舊例若干條爲文約數十萬言其輿地圖說則余族祖赤亭公及胡君文江躬履步計而成者編稿稍就彭封君筱舫丈爲任剗劂爰識其緣起如此嗚乎此特初具之草耳先生所以命貴墀者乃不克逮先生之存躬承筆削倖粗聞斯道以自託於青雲九原不作偃偃何之是則可重爲悲歎而不能無望於益我者矣光緒十二年某月日邑人杜貴墀謹敘



凡例

輿地相距遠者求以日星近者求以重測蓋天之爲度三百六十地之爲里九萬北極高下一度地之南北差里二百五十東西偏度亦然又四時日景隨地參差日星定則地里定也一縣百里之地其山水郁落相距不過十數里或數十里故欲定其方當以指南欲知其遠當以句股重測之術所以御高深廣遠者也然儀器不備則句股無所用之今志繪圖但以指南審方以人行計里略以尺三角量之指南遠而益差人跡窮而未徧則以人言消息之歐陽公所謂今啟其端後之作者當益加詳密其茲圖之謂乎

巴陵縣志

卷之首

凡例

一

裴秀六法用分率以辨輪廣之數用準望以正彼此之體用道里以定所由之數用高下方邪迂直因地制宜以較平險之異繪圖者所不能廢也壬申志總圖一分圖六較癸亥志爲尤詳但以沙油水分界爲三以湖水漲落爲二以西鄉爲一皆莫詳相距之遠近今志僅繪總圖一每方五里裁分六幅五排用衡陽志式也或欲縮而小之但分率明而無不可矣

周禮職方掌天下之圖而涂數則書自量人是圖所不能盡者非說無以明之也自來志地之書有四正四隅十二方有胡朏明所增之十六方又有堪輿家之二十四向測量家之六十方三百六十度今酌其疏密而變通之山之與山水之與水旣用

轉測之法以著相距之道里所直之方位矣復舉數大水以界山知山在某水某方卽以水所直縣境某方知山在縣境某方舉大見小握簡馭繁疏漏固所不免意在毋爲煩碎眩瞶者耳

班氏作志已有自注趙注水經亦云酈亭本有自注五代史注或云歐公託名徐氏自釋其例司馬溫公撰通鑑貽范夢得書云彼此年月事蹟有相違戾不同者則擇一證據分明情理近於得實者修入正文餘者注於其下仍爲敘述所以取此捨彼之意後人因取公考異一書散附正文卽今行通鑑本也 國

朝吳志伊十國春秋吳蘭修南漢紀錢竹汀續通志列傳皆別

巴陵縣志

卷之首

凡例

二

爲子注蓋自爲其書除繁則意有所恡畢載則言有所妨合則簇爲奇觀析則傷其零亂分注各條期於卮當不漏囊括無遺耳今志新增文多用此例至所錄舊志原文閒亦蒐討異聞兼列互勘不妨牴牾此又裴松之之注三國志所爲務在周悉也近人江西通志汪士鐸上元縣志蓋先我而爲者

長勺師馳別傳標劍榮澤敗績更紀藏肝司馬通鑑采及飛燕外傳開天遺事諸書旁證廣引所以存事實也裴松之三國志注引書五十餘種皆舉書名宋呂東萊大事記每條下必注据某書或据某某書修高似孫刻錄先賢傳每事必注其所出國朝阮文達公元擬儒林傳語皆采之載籍接續成文雙注各

句之下以紀來歷今志於所引各書謹沿此例不敢增易原書一字亦不敢掠爲已有閒有刪節字句者則注以見某書畧示區別

史記曹參世家敘功處絕似有司所造冊籍列傳中并細敘斬級若干生禽若干降若干人又分書身自禽斬若干所將卒禽斬若干又總敘攻得郡若干縣若干斬大將裨將若干二千石以下若干纖悉不遺此敘兵事之法也巴陵兼有江湖之勝形勢最重東南有變恆當其衝則兵事不可不詳今志自三國以下皆據史傳備著其戰守之蹟次以年月逮本朝咸豐初閒尤加詳焉駱文忠曾文正二公非虛張功伐者據其奏報核以巴陵縣志

卷之首

凡例

三

里人所見聞前事之述後事之師焉紀日自一日二日以至十日皆加初字宇文懋昭大金國志書法已如此且仍其奏報原文以今文敘今事不必與前朝書日一律

張南軒謂修志不可不載人物典則繫焉世教輔焉宋樂史寰宇記於列朝人物一一竝登呂大防序華陽國志謂常璩於一方人物丁寧反覆常恐有遺馮從吾萬歷長安志敘謂山川田賦之類終南在南而誤書於北田賦本少而誤書爲多人猶得執其誤而更正之儻人物一有遺漏則後人將安所考此仁人之心也夫志爲史所取裁而統志所取必由縣志以遞上故志宜詳於史縣志又益甚焉自世人狃於李宏憲飾州郡而敘

人物之譏虛慕朝邑武功二志之高簡嘉言懿行紀載寥寥甚至忠魂義骨與塵埃野馬同沒丘原豈掩骼埋胔者所忍出耶今志謹遵 欽定八旗通志例於法宜登者不敢翦除事實以就吾文劉元城謂新唐書敘事好簡略其辭故多鬱而不宣近人焦里堂循謂忠孝乃一生大節關係於合郡風俗人心能多描寫一字則多增一層光燄區區之愚竊同此耳

明史吳公傳全錄宋濂碑文事蹟皆具其中此例蓋始自漢書趙充國傳末引楊雄頌梁書伏暉傳引徐勉墓志新唐書許遠傳引張中丞傳後敘吳元濟傳錄平淮西碑方志則范致能吳郡志此類獨多如陸質傳張從師傳皆不敘一字全載柳宗元

巴陵縣志 卷之首

凡例

四

張說所撰墓表墓志顧少連傳敘次後又引韋夏卿撰少連神道碑所述數事皆用原文張純傳略敘數語下接又文士傳曰純少有清才云云張承休傳引張說撰其墓志云云范仲淹傳案事具歐陽文忠公所撰碑文及國史傳下接述其略云云傳後復小注閻灝撰文正公真贊此皆以他人著述代志傳者也吾縣吳南屏先生以道德文章名道咸閒爲縣人撰述者卓然信今傳後今志依范例錄其全文入傳府君先生之稱仍而不改蓋後漢書司馬遷傳之太史公已開范例之先矣又推及他人之文義主徵實不取浮詞其非名人著述及文雖工而不免溢美又或如唐李習之所謂虛加仁義禮智妄言忠肅惠和或

云盛德大業遠而逾光或云正道直言沒而不朽不能直序其事者概不登載

漢書列傳服虔謂不以功之大小人之賢愚惟以時之先後顏師古亦曰又以事類相從宋呂陶云時之先後相繼而事之義類相從則一時之本末衆人之是非舉其端而可推吾湘鄧湘舉先生沅湘耆舊集行輩先後一以科目爲斷至諸生章布騷人逸士難以意斷者則視其家世交游前後爲次與科目間敘此專主服虔所謂者也今志分卷於時代先後之間略寓類事之法而孝行義舉尤其顯然聯屬者宋人方志如羅願之志新安施宿之志會稽潛說友之志臨安皆無儒林文苑名目近人巴陵縣志

卷之首

凡例

五

謝肇昆廣西通志引華陽國志所載士女不分名目例統歸列傳蓋既遵古式又息爭端今志亦準斯義惟咸豐閒殉難諸人則因事立名爲例稍別有尙友古人之識者自能別其孰爲大賢孰爲小賢錢竹汀論鳳陽志嘗言之矣人之行事難以一端而盡強作標目近於班氏之九品論人章學誠修湖北通志又言之矣

漢書鮑宣傳後列當時清名之士紀逡王思薛方郇越唐林唐尊蔣詡栗融禽慶蘇章曹竟等貨殖傳後列樊嘉如氏苴氏王君房豉樊小翁等此類敘法也此法范史用於董卓公孫瓚傳後陳志用於王粲衛顛劉劭傳後齊書孝義傳則全以類敘新

唐書因之明史因之蓋人各一傳不勝其繁而遺之又不可也
今志人物門忠孝義行節烈皆用此法

子孫附祖父之傳沈約宋書已開其端然猶有父子兄弟各自
爲傳者魏收魏書則一人立傳而其子孫兄弟宗族不論有官
無官有事無事一概附入新唐書仍其例而加別擇必其子孫
有可傳者附之否則削而不書亦有因本人牽連及之者如梁
書劉遵傳於遵卒後錄皇太子與遵從兄令全文陸雲公傳於
雲公卒後錄張瓚與雲公叔襄兄晏子書全文之類今志間用
此例然仍存謹嚴唐書溫大雅傳大雅在隋與顏思魯同事東
宮彥博與思魯弟愍楚同直內史省彥博將與愍楚弟遊秦同典

巴陵縣志

卷之首

凡例

六

校秘閣二家兄弟各爲一時人物之選云云此因並時競爽而
通敘兩家家世者今志閒用此法蓋亦志氏族之遺意聞喜之
裴吳郡之陸連篇累卷撰述者不得有所嫌避也

列女不稱名與姓而直曰氏者案牘之詞也左傳敘婦人如姬
寘諸宮姜與子犯謀皆直以其姓呼之劉向列女傳及歷代史
傳標目華陽國志若巴郡王元愷妻姬鮮尼母姜之類皆沿其
稱近代陝西通志祖述斯例傳中稱名無名則單稱其姓今志
從之又漢書古今人表類以母附子妻附夫如介之推下另行
書推母晉文公下另行書夫人姜氏下逮梁書王僧辯傳敘僧
辯母魏氏事并錄太祖祭文今志竝放行之徐健菴尙書一統

志凡例謂人物如歐陽修生於隨州而實本廬陵二蘇生於眉山而一終於常一終於許朱子產閩而族本新安地以人重皆當兩志前明楊文襄公一清自巴陵舉奇童卽以其籍成進士名在楚三傑中後因葬父京口畱居不返丙寅府志附傳於本邑人物之後蓋有戒於附會先賢借爲光耀者亦其慎也今志仍之惟柳尙義楊柱朝之爲巴陵進士題名碑錄確鑿可據而府志繫諸臨湘則不敢故沿其誤

咸淳臨安志職官自宋以前皆統標歷代而分繫朝代於各名下國朝則另標今志變通其例明以前皆標朝代惟與本朝各自爲卷人物亦依一統志例另標 本朝職官必事蹟在本土巴陵縣志 卷之首 凡例 七 者乃書若除授而未行及已行而他徙者則否蓋臨安志例如此

班書於史記所遺有關學術治道之文皆補置其人傳中如賈誼傳之治安策鼂錯傳之教太子諸疏賢良策一道路溫舒傳之尙德緩刑疏賈山傳之至言之類皆有用之文也武帝以後若揚雄傳之反離騷河東賦校獵賦長楊賦解嘲解難諸篇則仍史記錄子虛大人諸賦之例今志列傳所載有關係之文奏章用大字列入正文雜議分注於傳尾或傳中逐條之下亦猶梁書劉勰傳之錄文心雕龍自序鍾嶸傳之錄詩評自序其他詞賦詩篇散歸志中各門無門可歸者纂入雜志較班書稍加

別擇云

書籍之條其篇目撮其指要始自劉向歆卒父業總羣書而奏其七略稍述作者之旨以詔後學其後殷淳有敘錄李肇有釋題崇文總目每書下各爲之說而馬氏經籍攷則併載序跋俾一書原委燦然具陳法至善矣 國朝朱竹垞經義攷陸心源爾宋樓藏書志皆用馬氏例所錄序跋尤多今志藝文擇其於是書有所發明者錄之無序跋者從缺古書非經目覩未能仿陳氏之書錄解題晁氏之讀書志各爲考訂也

王象之輿地紀勝博綜翰藻樂史太平寰宇記若張祐金山詩之類亦皆竝錄此方志錄及詩文之始然游覽詞章之用或者巴陵縣志

卷之首

凡例

八

以末流冗雜追咎濫觴今志凡詩文有關地里及風俗人心者旣用羅鄂州願新安志例散附各條矣若洞庭湖若君山若岳陽樓詩文代積附不勝附考真西山清源文集序蓋清源郡志旣成之後復雜取郡人著述哀錄而爲集者外此則張津四明圖經末附篇什碑記楊潛雲閒志末附前輩詩文各爲卷數無關體例今竊倣宋時岳陽樓集洞庭詩集君山集名目分爲三集各集俱分上下編上編過客下編邑人附志以行例雖若扞或亦無禮之禮與

武功縣志僅七篇門類最爲簡括今增損之爲八門曰輿地志曰建置志曰政典志曰選舉志曰人物志曰藝文志曰職官志

曰雜識每門各分子目而子目之中又各以其類附焉詳見洞
庭君山岳陽樓詩文三集則附諸志末

此志付刊時余方主武昌經心書院隨時郵寄手稿展轉間
遂多訛奪余心病之後以屬子壻方生大堪偉叔經其糾正
者百數十處余復爲補所漏載藏之巾笥歷有年所今夏里
人方金坡張香圃劉斐川諸君方佐邑侯周公任保甲間爲
侯言侯慨然許爲籌資修改時中外構釁警報頻仍湖南北
不逞之徒狙伺蜂起侯割廉募集鄉丁練軍以備卒之震鄰
兢兢環堵無驚而此志之修改亦不後時而竣侯徵文考獻
之盛意與夫措置裕如以整以暇無論刀筆筐篋之徒卽撫

巴陵縣志

卷之首

凡例

九

字催科報最上上者恐亦未易幾及也謹識之以諭來茲光
緒二十六年季秋月日杜貴墀再跋

巴陵縣志修輯姓氏

主修

署 巴陵縣知縣 姚詩德

巴陵縣知縣 鄭桂星

編纂

乙亥科舉人 杜貴墀

編輯

庚辰科進士任江西上猶縣知縣 李和卿

同知銜 杜槐

監生 胡大誠

巴陵縣志卷之首

姓氏

一

監生 張史華

乙亥科舉人 任鍾彥

廣東候補通判 李榮丙

採訪

壬戌恩科舉人 張一桂

癸酉科舉人任石門縣教諭 傅基儒

選拔貴州候補知縣 廖玉墀

癸酉科舉人 汪昌楷

孝廉方正 胥廷弼

歲貢生 蔡鳳騫

廩生 邑人 何良恭

廩生 邑人 殷家堦

候選州同 邑人 周貞陶

同知 銜 邑人 張羽儀

監生 邑人 方澤遠

校字

監生 邑人 杜顯銘

續校

中書科中書 邑人 杜幼齋

廩生 邑人 劉宣

巴陵縣志 卷之首 姓氏 二

五品銜候選縣丞 邑人 陶壽銓

巴陵縣志目錄

輿地志七卷 自一卷至七卷

建置志五卷 自八卷至十二卷

政典志九卷 自十三卷至二十一卷

選舉志六卷 自二十二卷至二十七卷

人物志十八卷 自二十八卷至四十五卷

藝文志二卷 自四十六卷至四十七卷

職官志三卷 自四十八卷至五十卷

雜識十三卷 自五十一卷至六十三卷

洞庭君山岳陽樓詩文集十八卷附

巴陵縣志

卷之首

目錄

一

輿地志

第一卷

晷度表

第二卷

圖說

第三卷

沿革

第四卷

疆域 道里關隘附

第五卷

山川

第六卷

勝蹟

第七卷

物產

建置志

第一卷

城池

街巷附

第二卷

廨署

廢署公所附

巴陵縣志

卷之首

目錄

第三卷

驛傳

第四卷

津梁

堤垸塘堰附

第五卷

祠廟

寺觀墓塔附

政典志

第一卷

田賦上

第二卷

田賦下

第三卷

積貯

第四卷

蠲卹

第五卷

學校上

學宮

學額

學田

府書院義學附

第六卷

學校下

書院

義學附

第七卷

巴陵縣志

卷之首

目錄

三

武備上

兵防

民壯弓兵驛遞郵鋪團練附

第八卷

武備中

兵事上

第九卷

武備下

兵事下

選舉志

第一卷

科目表上

第二卷

科目表下